

Saturday, May 2, 2026

Time - 2:30pm - 2:35pm

AKASHVANI AIZAWL
REGIONAL NEWS UNIT

DRUGS DESTROYED

Tukin khan Central YMA Hall-ah ruihhlo cheng vaibelchhe khat leh nuai 74 hu hal ral a ni.

Central YMA hruaitute'n Akashvani News an hrilh danin tukin dar 8 khan Central YMA Hall-ah Central YMA hnuai ruihhlo do pawl, Central Anti- Drugs Squad (CADS) ten kumin January ni 20 leh May ni 1 inkar chhunga an man tihralna hun hman a ni. Home Minister Pu. K. Sapdanga'n a hman pui. He hun hmanpui tu Home Minister Pu. K. Sapdanga chuan thu sawiin, ruihhlo do kawngah sawrkar leh tlawmngai pawl, a bik takin YMA te thawhhona chu hlawhtling a tih thu leh thlamuanpuiawm a tih thu a sawi a. Sawrkar hna hmun sawma then a hmun kua hi tlawmngai pawlte zar a nih thu tarlangin, Excise Minister-in ruihhlo dona a vei hle chu lawmawm a tih thu a tarlang bawk. Ruihhlo do danah tharum nena bul țana, counselling nena hma lak zui zel chu țangkai a tih thu sawiin, hemi kawngah hian Kohhran pawhin nasa takin hma an la tih a sawi a. He tianga țanho zelna hian Mizo thalaite ruihhlo lakah a chhanchhuah ngei a beisei thu leh hmalakna thar atan khawlai thenfai hnatlang pawh neih leh thuai a nih tur thu a sawi a ni.

Central YMA President Pu R. Lalngheeta pawhin thu sawiin, ruihhlo do kumpulan hnuai a CADS te thawhrimna chu chhuanawm a tih thu sawiin, thalaite tichhetu ruihhlo lakah indo puan a nih thu leh thil thalo laka mahni inven reng a tul thu a sawi a. Ruihhlo tam tak man a ni tawh chu thalaite chhanchhuahna a nih avangin Pathian hruainaah lawmthu sawiin, taima tak leh rim taka an do zel chuan Pathianin hlawhtlinna a la pe zel dawn tih a tarlang a ni. Home Minister in ruihhlo man te tihralna hun a hmang a, a tam zawk hi hmun dangah tihral a ni bawk.

Tukin a ruihhlo tichhhat tak hi heroin kg 4 bawr vel, ganja gram 49 chuang leh thalaite'n an hmansual clinical drugs thahnem tak a ni a. Tualchher zu um 31 a tel bawk.



CM

Chief Minister Pu Lalduhoma chuan Thenzawl Peace City Project kalpui mek a nih thu leh Aizawl atanga Thenzawl inkar kawng chu National Highway nihtir tuma hma lak mek a nih thu a sawi.

Nizana Thenzawl Auditorium-a Serchhip Sub-Headquarters YMA Inkhawmpui a hmanpuinaah he thu hi sawiin Chief Minister chuan a bial chhungah hmasawna hnathawh liamtham tak tak kalpui mek a nih thu a sawi a. Thenzawl Peace City Project kalpui mek a nih bakah Thenzawlah rel a luh thlen theih nan hma

lak a nih thu a sawi a. Artahkawn leh Biate inkar kawng, Tuipui lei leh kawngpui dangte siam that hna thawh a ni dawn tih sawiin Sialhawkah Multipurpose Hall sak a ni dawn tih a sawi a. North Vanlaphai Augmentation of Water Supply Scheme chu trial run neiin enchhin mek a nih thu a sawi a. Mat lui chu Multipurpose dam tura khuah dan zawn mek a nih thu a sawi bawk a ni.

Chief Minister chuan heng hna hrang hrang thawhna tur hian sum dah hran vek a nih tawh tih a sawi a. Hmasawna thleng zel tur atan thalaite chu lo inbuatsaih sauh sauh se a duh thu a sawi bawk a ni.



CAREER FAIR

Home Minister Pu K. Sapdanga'n tunhnaiah Mizote sorkar laipui hnaa lut an tlem hle tih sawiin tan tlan a ngai takzet tih a sawi.

Vawiina Aizawl Electric Veng YMA hall-a Electric Veng Branch YMA Literature & Education Sub-Committee te buatsaih 'Career Fair' a hawnaah he thu hi Home Minister chuan a sawi a. Home Minister chuan Mizote chu Civil Service leh SSC lamah lut an tlem hle tih a sawi a. Sorkar laipui dawr changa Mizo hnathawk an lo awmin an tangkai thin hle a ni a ti a. Heng service-ah te hian lut an tam theih nan tan tlan a ngai hle tih a sawi a ni.

Home Minister chuan vawiina a hawn tak, eizawna kawng inkawhhmuhna tur kut, Career Fair chu thil hautak, a buatsaihtu changkan ngai bawk, a rawn kal te thil chik mi leh thil tih tak tak tum nih ngai bawk a nih thu a sawi a. Mi te tana kawng kawhhmuhna hun tha a bial chung ngei a, Electric Veng Branch YMA ten Career Fair an buatsaih thei chu lawmawm a tih thu leh chhuanawm a tih thu a sawi a. Career Fair-a tel zirlai zawng zawngte chu tum mumal nei chung a lehkhazir chhoh zel nan Career Fair hmang tangkai turin a chah a ni.



MIS FELICITATION

Vawiin khan MJA Lawngtlai District chuan an District chung atanga Mizoram Information Service a tling, tuna a a hna thawk tan tawh Gospel Vanlalpani Vindir chawimawina hun an hmang.

Lawngtlai Press Club a he hun hmanah hian Gospel Vanlalpani Vindir chuan MJA Lawngtlai District ten a hlawhtlinna an hlutpui chu lawmawm a tih thu sawiin, Information Department leh MJA chu kalkawp tlat a nih vangin thawhdunna tha awm mek chu chawinun zel ni se a duh thu a sawi a, amah finchhuah leh zilh leh puih a ngaihna-ah MJA Lawngtlai District te chu paber ah a neih tlat tur thu a sawi. District MJA President Pu Elvis Lalthangzuala chuan Lawngtlai District in MIS thatak tak a nei chu MJA te an lawm hle tih sawiin, Journalism chu hna nuam tak a nih rualin, chawpchilh tak taka thuziak leh thutlukna siam thin an nih vangin Pathian a inngat chung a fimkhur taka thawh ngai a ni a ti.

